

**TRES UN RECURSU DEL ACONCEYAMIENTU DE XURISTES POL  
ASTURIANU, LA PROCURADORA XENERAL CORRIXE UNA  
CONVOCATORIA NA QUE SE DISCRIMINABA A LOS CIUDADANOS  
ASTURFALANTES**

En data 29 d'avientu del caberu añu, el Boletín Oficial del Principáu d'Asturies (BOPA), asoleyaba una resolución de la Procuradora Xeneral llamando a la Primera Edición del Premiu denomáu "Amparu de Derechos y Llibertaes". Nella facíase de menos a la llingua tradicional del país al desixir que les solicitúes y documentación axuntada teníen que se presentar "necesariamente" en castellán.

Tres el recursu del Aconceyamientu de Xuristes pol Asturianu, el día 5 de febreru de 2011 el BOPA espubliza una igua d'errores pa qu'onde se dicía "*las solicitudes y documentación adjunta se presentarán necesariamente en castellano*" diga "*Las solicitudes y documentación adjunta se presentarán en castellano. También serán admisibles, de conformidad con la normativa de aplicación, las solicitudes y documentos que se formulen en bable/asturiano*".

Tomando en cuenta que la "normativa de aplicación" ye, nada menos, que la Declaración Universal de los Derechos Humanos, el Conveniu Européu de Derechos Humanos y la Constitución Española, nun ye de plasmar que l'Aconceyamientu de Xuristes pol Asturianu manifieste tar fartucu de tantes inxustes agresiones escontra la ciudadanía asturfalante protagonizaes pol gobiernu Areces y los sos satélites, siendo asina que lo menos que se pue pidir a les autoridaes públiques ye una actitú bonal nel acatamientu de les lleis, xustamente tolo contrariu d'esta permanente rebeldía no que cinca al cumplimentu de la probe normativa que protexe l'usu de la llingua propia. Rebeldía y desacatu a les lleis que mos desixe a les organizaciones cíviques l'andar tres d'ellos, como la xusticia, una y otra vuelta, per xulgaos y tribunales.

N'Uviéu, a quince díes andaos del mes de xineru de dos mil once.

Xurde Blanco. Secretariu del Aconceyamientu de Xuristes pol Asturianu.